

[41] CHAPITRE III.

DE L'ARRIUÉE, & DEMEURE DU MISSIONNAIRE À
LANCE DU SAINT ESPRIT, APELÉE
CHAGOÛAMIGONG.

A PRÉS auoir fait cent quatre-vingt lieuës, fur les bords du Lac de Tracy, du costé qui regarde le Midy, où nostre Seigneur a voulu fouuent éprouuer nostre patience, par les tempestes, par la famine, & par les fatigues du iour & de la nuit; Enfin nous arriuâmes le premier iour d'Octobre à Chagoüamigong, où nous aspirions depuis si long-temps.

C'est vne belle Ance, dans le fond de laquelle est placé le grand Bourg des Sauuages, qui y font des champs de bled d'Inde, & y menent [42] vne vie fedentaire. Ils y font au nombre de huit cents hommes portans armes, mais ramassés de sept nations differentes, qui vivent paisiblement meslées les vnes parmi les autres.

Ce grand monde nous a fait preferer ce lieu à tous les autres, pour y faire nostre demeure ordinaire; afin de vaquer plus commodement à l'instruction de ces infideles, y dresser vne chapelle, & y commencer les fonctions du Christianisme.

Nous n'auons pû d'abord nous mettre à couuert que sous des écorces, où nous estions si frequemment visités de ces peuples, dont la pluspart n'auoient iamais veu d'Europeans, que nous en estions accablés, & les instructions, que ie leur faisois incessamment